



Kat. Komp.

59929

III

Mag. St. Dr

P

*culca d. Alberti in foro Crac.*

*Nep. Hoqnes in urbe metropolitana*

*Cracoviensi*

*Feol. 5344.*







H O S P E S <sup>716</sup>

In Urbe Metropolitana Cracoviēsi,

S. O N U F R I U S,

*Magnus Anachoreta, Regis Persarum Filius,*

T H A U M A T U R G U S,

Circa solennem Reliquiarum Introductionem,  
Ex Basilica Cathedrali Cracoviensi, ad Ecclesiam Sancti AD-  
ALBERTI, Archiepiscopi Gnesnensis, Patroni

*Principalis Regni Poloniae,*

Per Archiconfraternitatem Literatorum sub Titulo Assum-  
ptionis B. M. V. & S. JOANNIS NEPOMVCENI Martyris.

I N V I T A T U S.

Ab universo devoto populo

*Annō Domini 1741. Die 11. Julij,*

per 4. dies perseverante solennitate cum summa  
veneratione & cultu,



in numerosissimo concursu

A D O R A T U S.

Synopsi, breviq; compendio Posteritati

*Per*

M. JOANNEM NEPOMVCENVUM AWEDYK,  
In Alma Universitate Cracoviensi Philosophiae Doctorem & Professorem

Orbi Christiano

P R A E S E N T A T U S.

CRACOVIAE TYPIS UNIVERSITATIS.

2.



59929<sub>III</sub>

Angelicos inter cætus ONVFRIVS, ecce!  
 Cella cui Cælum est, Angelicusq; cibus.  
 Hinc si perpendas devotæ mentis ocellô,  
 Non homo, sed dices; Angelus Ille fuit.  
 Angele Sancte DEI, sis Custos Orbis & Urbis,  
 Cultoresq; tuos defer in astra Poli:



ORBIS CHRISTIANI CYNOSURÆ  
ET ATLANTIS, 719  
SACRO EREMITARVM PHÆNICI,  
Carnis, Mundi, ac Dæmonis  
ADMIRANDO TRIUMPHATORI:  
Austeræ in vita mortificationis,  
omniumq; virtutum Exemplari;  
**S. ONUFRIO,**  
Communi omnium ad se confugientium  
**PATRONO.**



*Uem nuper, inenarrabili gestientis populi cum  
plausu, Metropolis Regni, totusq; Orbis  
Polonus Thaumaturgum excepit Ho-  
spitem; hunc, Nomini Honoriq; Tuo de-  
votissimus Cliens, prono adorans poplite, cum  
pagella hac, uti profundissimi cultûs inter-  
prete, Plantis tuis advolvor. ONUFRI Divinissime.  
Jure merito etenim in desideratissimo Sacrarum Reliquiarum  
tuarum accessu, tanquam Regis Filio, ingentes Metropoleos  
Regni debebantur plausus: decuit, ut Urbs hæc cum suis Civi-  
bus, in tuum conspectum effunderetur tota, quem, Terrestrem,  
Angelum, Naturæ & Gratiæ Prodigium, Thesauri sui Dispen-  
satores, Providentia Divina, Orbi exposuit universo. Dede-  
ro Te Nobis Boni Superi ONUFRI Divinissime hoc  
potissimum tempore, quò omnia labuntur ac ruunt in deterius: ut  
constaret, quòd totius Christianitatis cum extrema fortuna lu-  
stantis, sis scutum, clypeus & Umbo; quòd Orbis Poloni Mo-  
tricem agas Intelligentiam, illumq; Sacro Humerò Tuo in spes  
meliores erigas, Divinior Atlas. Quantum gratiarum Cælestiū  
in Thesauro Omnipotentiae Divinae dari & esse potest, id totū  
in Te*



in Te velut in Archivo dextera Excelsi reposuit: ut ex Te omnis quidquid voluerit, habeat. Excedunt illæ numerum, mentem maximorum superant capacem; pluresque sunt, quam ignis ille, in quem suasu dæmonis injectus, tanquam aurum in fornace probabaris, arsit scintillis; quam limpidus fons, qui uberiori alveo, ad commodum sese sinuabat tuum scatebat guttis; aut quam vasta Eremus, quæ te decennem admirandum suscepit Anachoretam, gemmabat foliis. Potentiam dæmonis, nudo quidem sed triumphali calcaneo cum contriveris, elegisti, inferni astu, malignantisque fortunæ, sinistra depressos manu, sublevare, inter ferarum spelæa tristesque sylvarum recessus dum per 60. annos vitam transigeris, placuit Tibi placetque, mæstis solatia ferre; æstum & algorem constanti dum perpeffus fueris tolerantiam æstibus malorum immersa vota mortalium protegis, & reddis illæsa. Sublimius Sacri Tui eminent favores, quam fatum possit assurgere; Angelica nuditate abstergis lachrymas populorum; universis reddis vulnus, quem varia mala corruperant: tuaque gratia præsentē alta quantumvis vulnera minimè sentiuntur, ut id æternæ Veritatis probat effatū: quod omnis quacunquē fati necessitudine functus, meritis tuis confusus, si Deum oraverit, de malorum injuria triumphabit. Hinc est, quod Clientum minimus, gratiarum Tuarum memor nuper nos Sacris Reliquiis tuis in solenni introductione exhibitos plausus in mappam colligens, illam unā mecum plantis Tuis substerno. Umbram hanc, quam Tibi splendoribus Sanctorum radianti Phæbo appinxi **ONVERI** Divinissime non despice, ut pote illam, quæ venturæ posteritati, plausuum tuorum avidissimæ lumen dabit. Afflictæ Christianitati fer opem & subsidium; Orbem Polonum, Cælestibus gratis corona Trinis Cracoviæ Turribus, quas Sacro Humero Tuo donasti lautius de thesauro bonitatis Divinæ provideas & cum fueris immortalis gloriæ in Patria Comprehensor minimum Clientum tuorum, gratioso oculo intueri, ac tuare viatorem. Ita ad pedes tuos provolutus supplico.



## Cultui &amp; Honori Divi ONVERIJ.

**Q**uemadmodum disponente omnia suaviter DEI  
 TER OPTIMI MAXIMI Providentiâ, Sanctus  
 ONVERIVS, Regū Persarum Sanguine oriundus, de-  
 cennis oculos hominum effugiens, in Eremito per Annos sexa-  
 ginta mundanæ vanitatis contemptor, non sine prodigio Pa-  
 snucio revelatus, & per Eum, Orbi præcipue Christiano, tam  
 per Orientales quàm Occidentales plagas, de admiranda vi-  
 tæ austeritate, alijsq; virtutibus, promulgatus, à centenariis ali-  
 quot Annis, famâ sanctitatis refulsit; ita non alio tempore in Sa-  
 cris suis Reliquijs, huic Metropoli Regni, simulq; Orbi Po-  
 lono accessit; nisi hoc tempore turbido, quò Christianus Orbis  
 Cæsareæ Majestatis Fascibus orbat, circa Supremum Impe-  
 rij Caput erectis in Cælum deludat suspirijs. Hinc inferen-  
 dum est, quod ONVERIVS Divinissimus sicut ante agonem  
 pro tota Christianitate pias preces ad DEVM effuderat; ita  
 & hoc tempore difficili ad vota omnium Superos flectet.  
 Regibus, & Principibus Christianis, pacem, concordiam,  
 & unionem animorum facile impetrabit. Quem Divum A-  
 nachoretam, Archiconfraternitas Literatorum postquam sibi  
 elegerit pro Principali Patrono, determinatâ introductionis  
 Sacrarum Ejus Reliquiarum Die, supplicatum est de consen-  
 su, Eminentissimo ac Celsissimo Principi, Illustrissimo ac Re-  
 verendissimo Domino JOANNI ALEXANDRO, Misera-  
 tione Divina S. R. E. Cardinali LIPSKI, Episcopo Cracovi-  
 ensi, Duci Severiæ. Cui petitioni annuit Eminentissimus  
 Princeps, Pientissimus Pastor, Sanctorum Cultor Zelosissimus,  
 & Processum ex Cancellaria sua cum ordinatione, qua me-  
 thodo expedienda Processio, duabus septimanis ante solennitatē  
 extradere mandavit. Eratq; ejusmodi Processus.

B

IOAN.



## JOANNES ALEXANDER

Miseratione Divinâ S.R.E. PRESBYTER CARDINALIS

L I P S K I,

EPISCOPVS Cracoviensis, DVX Severiæ.

**U**Niverso Clero, Sæculari & Regulari per & intra Civitatem Cracoviensem salutem in Domino sempiternam. Largitor omnium bonorum DEVS volens nimis honorare Amicos suos, amplissima Omnipotentia suæ aperit gazophilacia, unde Gloria Coronatos in Cælis, interris quoq; manifestis dignatur honoribus, Et sicut olim per umbram Petri Primi Vicarij Salvatoris Christi, plurimos in plateas expositos, ab infirmitatibus liberabat; sic & nunc larga bonitatis suæ munera tribuit Ossibus Sanctorum, ut inde Fideles Christi Domini magis animati, ferventiori zelô Eorundem opem implorent, ac laudent Dominum in se, & Sanctis suis admirabilem. Hoc opus clementiæ Altissimi spectamus, in exuvijs Sacri Corporis Servi Dei ONUFRIJ, Regis Persarum Filij, sexaginta Annorum in Ægipto constantissimi Anachoretæ, quæ licet à Paphnutio in Eremo illa sepultæ; ast operante Divinâ Providentiâ, Romam delatæ, in Ecclesia eidem Servo Dei exstructa, Sacrosanctè coluntur. Ex quarum particulis una ex brachio cessit in sortem Archiconfraternitati Literatorum, sub Titulo Assumptæ in Cælum Dei-Paræ S. Joannis Nepomuceni M. Cracoviæ, in Ecclesia S. Adalberti Archiepiscopi Gnesnensis & Martyris, fundatæ; prout id authenticum manu Episcopi Pisauri subscriptum palam testatur. Hinc prædicta Archiconfraternitas, anhelando Cultum Ejusdem Sancti propèsius promovere, humillimè Nobis supplicavit, ut has Reliquias obtentas, ex Ecclesia Nostra Cathedrali ad præfatam S. Adalberti Ecclesiam solenniter Authoritate Nostri Ordinariâ die 11. Mensis Junij Anno currenti post Vesperas, & Concionem introducere permittamus. Animadvertentes itaq; piam & sollicitam in grege Nobis commisso intentionem, & simul recensentes magna istius Sancti Onufrij merita, qui etiam  
ad ago-



ad agonem vitæ suæ pro Christianitate totâ prolixius fudit preces ad Dominum, ut quoq; in præsentî afflictô Orbis Christiani statu, coram DEO efficax pro pacificanda Christianitate Intercessor existat; ac simul corda fidelium ad devotionem excitare cupientes, licentiam introducendi ritu solenni dictas Sancti ONUFRIJ Reliquias, unâ cum quatuor dierum celeberrate, concedendam esse duximus, & concedimus per præsen- res, tali ordine: Quatenus videlicet: Processioni & Introdu- ctioni præmissæ universus Clerus, Ecclesiarum Cathedralis Nostræ, cum omnibus tam Ordinatis, ordinandis, aliâs sine exceptione, Seminaristis utriusq; Seminarij, & omnium Colle- giatarum Parochialium & Regularium Ecclesiarum tam in- tra mœnia, Urbis Cracoviensis & Casimiriensis, quàm extra mœnia consistentium, solito alias Processionibus solemnibus observato more, pro hora quarta conveniat ad assistendum; Feretrum cum Reliquijs Sancti per Vicarios Ecclesiæ Cathed- ralis, ante Chorum seu Crucem Perillustrum Prælatorum & Canonorum Cathedralis Ecclesiæ, deportetur. Confrater- nitates omnium Ecclesiarum tam Sæcularium quàm Regu- larium cum solitis insignijs comitentur. Requiritur pro- indè omnes & singulos Perillustres, Illustres Prælatos & Ca- nonicos Ecclesiæ Nostræ Cathedralis & Collegiatarum Ad- modum Reverendos Religiosos Præpositos, Parochos, seu quos- cunq; Ecclesiarum Sæcularium Rectores, Regularium Superi- ores & Confraternitatum omniû Præfectos, Seniores iisdemq; mandamus, cæteros in Domino hortamur, quatenus Ordinationi Nostræ præsentî obtemperent & Processioni ac Intro- ductioni hujusmodi, ita ut præmissum est, adsint, & assistant, ac in omnibus Ecclesijs tempore Processionis Campanæ pul- sentur. In quorum fidem Datum Cracoviæ in Palatio Nostro Episcopali Die 20. Mensis Maij 1741.

JOANNES CARDINALIS LIPSKI.



Adamus Antonius Fabricy Actorum  
Curie sue Eminentiæ Notarius.





Eterminata solennis Introductionis Reliquiarum Sancti ONVFR IJ cum imminuerit dies, pijs Cultoribus Ejus maestitiam intulit Caelum, quando ab Ortus Solis statim copioso depluebat imbre, cum ingenti hunc solennem expectantium actum mortificatione; ast circa meridiem supra spem serenâ Polus resplenduit facie magno cum jubilo, summa cum consolatione totius Cracoviæ, plurimorumq; pro hoc actu descendendum, qui tali ordine expeditus est. Matutino tempore, inter plurimas Sanctorum Reliquias, circa horam 5. expositæ erant in Feretro Reliquiæ D. ONVFR IJ ante magnum Altare in Ecclesia Cathedrali Cracoviensi, (hæc enim dies, Anniversaria Consecrationis ejusdem Ecclesiæ Cathedralis est, quâ juxta morem & consuetudinem omnes, quas tantum hæc Cathedra habet Sacras Reliquias, exponuntur in aureis argenteisq; thecis) & inter numerosas faces in 3. gradibus dispositas locatæ erant. Post meridiem verò circa 3. Horam ante Ecclesiam D. ADALBERTI in turribus Prætoriana, nec non Excubiarum Ecclesiæ Archipræsbyteralis concentus tubarum resonabant, post Portam autem Novam ignes accendebantur triumphales. Post horam 3. inceptæ vespere in Cathedra, quæ solenniter cum vario Musico concentu absolvebantur. Circa 4. horam congregabantur ad Cathedram omnes Confraternitates & Sacræ Religiones, quibus in porticu Ecclesiæ candelæ dabantur. Ingressu hujus solennis Processionis, concionabatur disertissimo ore *Illustris Clarissimus & Admodum Reverendus Dominus M. IGNATIVS CANTIVS HERKA, Phîæ Doctor, Ejusdēq; Regius Professor, Collega Major, Ecclesiarum Cathedralis Cracoviensis Concionator Garvascianus, Collegiæ S. ANNÆ Canonicus, Parochialis in Gay Curatus, ex circumstantia tam*  
Expositionis



724  
Expositionis Reliquiarum in Ecclesia Cathedrali, quàm Solen-  
nium Processionum cum Reliquijs multorum Sanctorum  
publicè portatis convenientium, super Thema: *fac Orationem*  
*pro Reliquijs 4. Reg. 19. v. 4.* Propositio talis: *Sacra Sancti*  
*ONVRIJ Reliquia, Clenodium Persarum, omni valore esti-*  
*mabilius, Magno & Sacro Cracoviensi variorum Sancto-*  
*rum Reliquiarum Thesauro, mirabili Dei additum Providen-*  
*tia.* Post finitã Concionẽ exijt Pontificaliter ornatus Eminentis-  
simus Cardinalis & cùm absolverit Orationem de Sancto, sta-  
tim Processio tali ordine peragebatur. Confraternitates sin-  
gulæ tam ex Civitate quàm ex suburbijs præibant, quas comi-  
tabatur Confraternitas Literatorum cum elevata Cruce & ve-  
xillis, portans Imaginem S. ONVRIJ genibus flexis in Ere-  
mo inter rupes, circa quam Imaginem S., quidam ex Confra-  
ternitate hacce cū ardentibus facibus assistebant, tū etiã Sæcu-  
laris Clerus. Ad hanc Imaginẽ totus Musicorū Chorus Collegij  
SS. Apostolorum Petri & Pauli Societatis Jesu præfens erat,  
ludendo & canendo Hymnum de communi Confessorum.  
Sequebantur tandem Sacrarum Familiarum cætus, cum Cru-  
cibus, vexillis, tum accensis candelis: uti Religiosorū PP. Capu-  
cinorum, Bernardinorum, Augustianorum, Carmelitarum An-  
tiquæ Observantiæ, Franciscanorum, Dominicanorum, Ca-  
nonicorum Lateranensium Corporis Christi, Canonicorum Re-  
gularium S. Spiritus de Saxia: quos comitabatur Musica Ec-  
clesiæ Archipresbyteralis B. V. M. numerosa. Tandem se-  
quebantur omnes Parochiæ & Collegiæ, præeuntes Clerum  
Cathedralem, quas comitabantur 6. Vicarij Ecclesiæ Cathedra-  
lis, in pretiosissimo apparatu albi coloris immediatè ante Crucẽ  
Capituli, portantes pretiosum Feretrum cum Reliquijs Sancti,  
In assistentia Musici Cathedralis, varios concentus in laudem  
D. Anahoretæ intonantis. Circa Feretrum Nationalistæ Ger-  
mani cum 12. facibus, totidem etiam ex Confraternitate Li-  
teratorum similiter assistebant. Tandem Scabinatus cum Ma-  
gistratu Cracoviensi cum ardentibus facibus Sacras sequeba-  
tur Reliquias, ardebantq; circa Feretrum 50. faces. A latere  
comitabantur Sacræ Religiones, quæ non habent usum cum  
elevatis



72 *Selevatis Crucibus processionaliter eundi, cum facibus, utpo-*  
*te Canonici Regulares Sepulchri Christi Domini, Patres So-*  
*cietatis Jesu, ex 3. Collegijs, Patres Ordinis S. Pauli primi E-*  
*remitæ, Patres Carmelitæ Discalceati, ex duobus Monasterijs.*  
*PP. Missionarij ex duobus Seminarijs, PP. Piarum Scholarum,*  
*PP. Reformati S. Francisci, PP. Canonici de Pœnitentia BB.*  
*Martyrum, PP. Bonifratres, PP. Ordinis SSmæ Trinitatis Redē-*  
*ptionis Captivorum. Augebat plausum Illustrissimus ac Ex-*  
*cellentissimus Dominus, CAROLVS de Wielopolskij. MY-*  
*SZKOWSKI Supremus Stabuli Regni Prefectus, Capitaneus*  
*Cracoviensis, cum alijs Illustrissimis Proceribus Regni, ex Pala-*  
*tinatu Cracoviensi cum facibus assistens. Tandem seque-*  
*batur Peraugustum Capitulum Cracoviense; Quod Pontifi-*  
*caliter comitabatur Eminentissimus Cardinalis Episcopus Cra-*  
*coviensis Dum Processio ex Cathedra in forum Civitatis exijt,*  
*ingens multitudo hominum, aliquot millia adæquans seque-*  
*batur eandem, qui non tantum ex Civitate & suburbij, ve-*  
*rum etiam ex propinquis villis & Oppidis confluxere, adeo,*  
*ut tam numerosam multitudinem etiamsi sat amplæ plateæ,*  
*capere non potuerint, quorum alij fenestras Palatij Regij,*  
*alij valla murosq; ascendebant Castrenses: Imò non tantum*  
*in lapideis & fenestris, sed etiam in tectis & turribus multi*  
*spectatores adfuerant. Dum verò Feretrum cum Sacris Reliquijs*  
*ex Ecclesia Cathedrali sub publicum exportaretur Solem, gi-*  
*gnum datum per Principem Campanam Sigismundi, statimq;*  
*per omnes Ecclesias tam in Civitate quàm in suburbij Cam-*  
*panæ sonū edebant, tormenta incessanter explodebantur tã post*  
*portam Arcensem, quàm Novam tempore ipsius Processionis.*  
*In turribus varijs in instrumentis Musica distinctos concen-*  
*tus exercebat quod & ante Ecclesiã D. ADALBERTI perageba-*  
*tur Durabat hæc Processio tribus ferme horis, eundo circum cir-*  
*ca forum. In memoriam autem quod Sanctus ONVFRIVS*  
*Anachoreta, in Eremo vitam duxit, erant dispositæ frondes*  
*festæ permodum silvarum per plateas Civitatis. Ab Arce, quæ*  
*Processio medijs Plateis ibat, nonnullæ lapideæ adornatæ e-*  
*rant peristromatibûs, non nullæ lampadibûs, candelis. Ima-*  
*ginibûs*



ginibus S. ONVFRIJ & aliorum Sanctorum: Quamvis clara  
dies fuerit, tamē lumina in Processione & per lapideas bene pro- 26  
minebant. Dum tangebatur Processio Ecclesiam S. ADALBERTI  
ad Ecclesiam Archipresbyteralem, incēpit *Eminentissimus*  
*Cardinalis* Te DEVM Laudamus, in gratiarum actionem Do-  
mino Deo pro Sacris Reliquijs communicatis Regno Polo-  
no, quod continuabat Clerus, populus & Musica. Circum  
circa forum stabant armata cum vexillis Mercatoria Con-  
tubernia Civitatis, sub Prætorio verò Præsidium Vr-  
bis hujus cum vexillo assisibat. Ante Ecclesiam Archipresby-  
teralem Contubernia, Clepardiensia consistebant. Processi-  
oni autem assisiebant Contubernia Occatorum & Piscatorū  
& Vivario, accendendo ignes triumphales in nonnullis locis  
Metropoleos. Cū accedebat ad Ecclesiam S. ADALBERTI  
Processio cum Sacris Reliquijs, præ ingenti turba exposita  
erat mensa adornata, in una parte, in qua collocatæ erant Re-  
liquiæ ante Ecclesiam, in altera parte Cathedra propter Con-  
cionatorem. Tandem inchoata Concio salutans Cissa San-  
cti Thaumaturgi, quam discreto ore dixit *Reverendus & Reli-*  
*giosus Pater JOANNES CANTIUS* Ordinarius Conciona-  
tor Patrum Carmelitarum Discalceatorum, *Conventus S. MI-*  
*CHAELIS Cracoviensis, super Thema: Leva Orationem tu-*  
*am pro Reliquijs, quæ repertæ sunt, & ne timeas Isaj: 37. Pro-*  
*positio: Promptissimus in negotijs humanis Orator S. ONV-*  
*FRIVS ora cum gratiarum actione, corda cum cultu, Sacrarum*  
*suarum acceperit Reliquiarum.* Post finitam Concionem *Emi-*  
*nentissimus Cardinalis* dedit benedictionem Pastoralem popu-  
lo congregato. Ecclesia verò D. ADALBERTI tam intra  
quàm extra tali adornata fuerat methodò. Primo facies Ec-  
clesiæ accomodata erat tota instar Eremiti, in parte dex-  
tra Ecclesiæ S. ONVFRIVS cum Pafnutio sub pendula pe-  
tra sedebant, sub quibus talis erat subscriptio:

*Ultima quæ cunctos manet, ONVFRIO advenit hora;*

*Pafnutio mortem nuntiat ipse suam.*

In altera parte Ecclesiæ, in viridi Eremito sub petra jace-  
bat mortuus S. ONVFRIVS, Cui Pafnutius cum duobus

C.

Leonibus



Leonibus præparabant sepulturam, sub hoc talis erat inscriptio.

*Vix moritur currunt Corpus cumulare Leones,*

*ONVERIO obsequium Rex Leo sponte tulit.*

Super foribus Ecclesiasticis depictus erat S. ONVERIVS ab Angelis ad Cælos translatus, à Christo cum concentu Angelico susceptus, sub quo talis erat subscriptio.

*Effusi populi referantur pectora nec non*

*Propense turres: ingrediare viam.*

*Ingrediare, simul veniunt nam prospera tecum*

*Sol rutilat nitidus turribus Astra favent.*

Quatuor Columnæ erectæ stabant, ante hancce Ecclesiam à lateribus, in parte dextra in una columna erat statua S. ADALBERTI Patroni Regni Poloniae & Ecclesie hujus in qua hic Sanctus primò Verbum Divinum prædicabat cum inscriptione.

*Navigium nostra disponens Sarmata Cymbe*

*Quam prosper remis utitur ipse tuis.*

In medio hujus Columnæ depictum erat Stemma Eminen-  
tissimi Cardinalis LIPSKI, Episcopi Cracoviensis, Ducis Severie  
Protektoris singularissimi Archiconfraternitatis Literatorum,  
cum inscriptione:

*Rastra Polum versus Sacrato versa Tridente*

*Quid? nisi dona Tibi cum pietate legunt.*

Ex opposito in sinistra parte in eadem Columna, erecta fuit  
Statua S. JOANNIS NEPOMUCENI Canonici Metropoli-  
tani Pragensis, Martyris, Patroni bone fame, & Tutellaris Con-  
fraternitatis Literatorum, Cujus Reliquiæ reperiuntur hacce  
in Ecclesia, cum Inscriptione.

*Per totum loquitur Taciturnum fama JOANNEM*

*Basta cui linguam & dona dedere suo.*

In medio hujus Columnæ erat Stemma Celsissimi Principis  
Illustrissimi & Excellentissimi Domini THEODORI LVBO-  
MIRSKI, Palatini Cracoviensis, Capitanei Scepusiensis, Prote-  
toris Dictæ Archiconfraternitatis Literatorum cum inscriptione.

*Gemmis auratusq; tumens Szreniavius amnis*

*ONVERII plausus appretiando fluit.*

In tertia Columna erecta fuit Statua B. JOANNIS CANTIS

*Sacre*



*Sacra Theologie Doctoris & Professoris, Patroni Principalis Re-*  
*gni Poloniae, cujus insignis Reliquiarum particula invenitur* 728.  
*cum inscriptione:*

*CANTIVS in bustis hic multis hospes ab annis*

*Hospite Persarum Te veniente canit.*

*In medio hujus Columnæ erat Stemma Illustrissimi & Excel-*  
*lentissimi Domini ANTONII Łódzia PONINSKI, Palati-*  
*ni Poseniensis, Singularissimi Cultoris S. ONVERII, & Pro-*  
*tektoris Archiconfraternitatis predictæ, cum inscriptione.*

*PONINIÆ multos cymbe fert Lechus honores*

*Quod Sacer hanc Princeps dirigat omnis honor.*

*In quarta Columna erat Statua S. CAPISTRANI Ordinis*  
*Minorum S. Francisci de Observantia, qui in hac Ecclesia con-*  
*cionabatur & miracula patrabat. cum inscriptione*

*Prodigijs Claro compar Asceta JOANNI*

*Debuit ONVERI se sociare loco.*

*In medio Columnæ depictum fuit Stemma Celsissimi Princi-*  
*pis, Illustrissimi & Excellentissimi Domini Ducis in Alba Kovel,*  
*Smolany, Rakow, Principis in Zbaraz & Zaslav, Comitis in Ia-*  
*rostaw & Tarnow Lubartowicz SANGVSZKO Supremi Ma-*  
*reschalci Magni Ducatus Lithvanie, Capitanei Czercavien-*  
*sis &c. Cultoris singularissimi S. ONVERII Protektoris & Be-*  
*nefactoris Archiconfraternitatis Literatorum, cum inscriptione.*

*Ut solet à Patria quævis propellere fata.*

*Hic Eques, ONVERI, plaudat & ecce Tibi.*

*Circum circa Ecclesiam erat Eremita ex arboribus*  
*densis procerisq; ad quam duplex patebat introitus. In dextra*  
*parte erat S. ONVERIVS in Eremitum ab Angelo in Columna*  
*ignis ductus, cum disticho,*

*Flammea cur preit in deserta Columna Deconnem?*

*Ignem ignito Dux in amore fuit.*

*In ingressu hujus Eremitæ depicta pendebant 3. Stemmata. Imum.*  
*Illustrissimi & Reverendissimi Domini MICHAELIS KVN-*  
*ICKI Episcopi Arsonensis, Suffraganei & Archidiaconi Cracovien-*  
*sis, Abbatis Commendatarij Clare Tumbæ, cum inscriptione.*

*KUNICKIVS cornu quadrupes quatit æthera celsò*

*ONVERII in plausum sydera summa petis.*



Alterum Illustrissimi & Reverendissimi Domini MICHAELIS  
de Granow WODZICKI, Decani & Officialis Generalis Cra-  
coviensis, Abbatis Commendatarij Wachocensis, ad Tribunal Re-  
gni Deputati cum inscriptione:

*Applaudunt Sacro Wodziccia sydera Regi,*

*Perpetuo Divis quæ pietate nitent.*

Tertium Stemma erat Peraugusti Capituli Cracoviensis:

*Regius est Sanguis conjunctus Persa Polonis*

*Dignus ut adsit Ei, trina Corona Poli.*

In sinistra parte Eremitæ expositus erat S. ONVFRIVS ad Er-  
emum, in Eremitum veniens cum inscriptione:

*Austeros mores Ermitæ doctus ab ore*

*Conscius hic locus, quæ pietate nitet.*

Ad ingressum hujus Eremitæ erant descripta tria Stemmata  
immo. Illustrissima Domus Wielopolsciorum cum inscriptione:

*Auratas abicit Sonipes phaleras pede fausto*

*Ocyor abs frentis huc sua dona vehit.*

Adm. Alma Universitatis Cracoviensis, Filia Regum, tot Prin-  
cipum & Sanctorum Matris, cum inscriptione:

*Dextris Alma tuis submittit Sceptra beatis*

*Mater cum Regum Filia, Sceptra fove.*

Adm. Urbis Metropolitana Cracoviensis Coronaticis Regū.  
cum inscriptione:

*Dum Sacer Hospes adis Porta Turresq; patebunt;*

*An poterunt claudi singula corda Tibi.*

Tota exteriori Facies Ecclesiæ, Columnis, Stemmatis, Eremitæ, in-  
super numerosissimis adornata erat lampadibus. Ad quatuor par-  
tes Ecclesiæ exstructæ erant 4. Pyramides copiosissimis lampadi-  
bus auctæ. Intus verò tota instar Eremitæ exornata fuit. In Ma-  
gno Altari Effigies S. ONVFRIVS, ad Sanctissimam Synaxim  
ab Angelo Cælitus comportatam accedentis. In culmine  
Altaris Inscriptio:

*Ponet Desertum Ejus quasi Delitias, & solitudinem Ejus quasi  
hortum Domini. Isai. 77. v. 3.*

Item super effigie Inscriptio.

*Felix ista conversatio despicere homines, Angelos querere, urbes  
deserere*



*deserere & in solitudine invenire Christum S. Joan: Chri-  
stom: Homillia 2da. super Marcum.*

230

Sub Imagine in magno Altari ex una parte  
*Hic est Panis de Celo descendens Joan: 6: v. 49. quodavi Te in  
solitudine Exod: 6. v. 38.*

Sub hac Imagine in altera parte  
*In hac Vasta solitudine Num: 11. v. 43. letatum est cor meum  
in ea, à juventute mea Eccl: 57. v. 20.*

In Altari magno copiosissimæ candelæ per tres gradus di-  
spositæ, ingenti lumine pompam augebant. In 4to verò gra-  
du supremo *SSmum SACRAMENTVM* in Monstratorio  
solenni fuit expositum. In sphæra Chori Minoris, pendebant  
argenteæ lampades, super quibus hæc *Inscriptio:*

*Gaudeamus omnes in Domino, Diem Festum celebrantes, sub  
honore Sancti ONVRIJ.*

Tholus quoq; Ecclesiæ appensis numerosissimis prominebat  
lampadibus, super quibus erant exquisito penicillò depictæ  
Effigies, Vitam S. ONVRII, exprimentes.

ima. Antequam ex sterilibus Parentibus nasceretur S. O-  
NVRIVS: apparet Patri in specie peregrini dæmon, jurans  
fætum conceptum esse illegitimi thori: utq; clarius dicta  
ejus elucescant, suadet, ut infans postquam natus fuerit, statim  
in ignem mittatur, ex quo si illæsus evaserit, modoprimum  
habebitur vera soboles & Regius sanguis, cum *Inscriptione.*

*Alloquitur Patrem Dæmon peregrinus, ONVRI*

*Si tua progenies? igne probato mihi.*

2da. Vix lucem primam aspexit S. ONVRIVS, illico  
Pater in ardentem illum jubet injicere rogam, in quo à flam-  
mis illæsus innocuas manus sub sydera tollit. Descendit mox  
Angelus, Patrem consilij Dæmonis adhærentem arguit, pu-  
erum de medijs injungit eximere flammis, in Sacro Baptisma-  
te nomen imponere ONVRII, & ad educandum sub Mona-  
sticam ferulam, statim à teneris tradere mandat, cum *In-  
scriptione:*

*Igni dat natum Genitor, sed liber ab igne*

*Concessum Celo, sat pia flamma docet.*



73<sup>1</sup> sta. Rex benè persuasus de voluntate DEI, arripit iter cum Infante, cui mox obviat cerva, nutu Divino ad ablaetandum pulsionem ONVFRIVM ordinata, currum, quò vehebatur, præcedens, cum *Inscriptione*:

*Devehit ad Claustrum Pater Infantem, comes illi  
Cerva viam monstrat, mox alimenta dabit.*

4ta. Descendit Rex ad Chæretam Cænobium, cui occurrit Abbas, per revelationem à DEO instructus, Infantemq; cum Cerva libentissimè intra limina Claustrum introducit, cum *Inscriptione*:

*Obvius expansis dextris Abbas venerandus  
Suscipit Infantem cum famulante fera.*

sta. S. ONVFRIO habenti aliquot annos, cum Dispensator jentaculum daret, ille datum sibi, in effigie depicto Puero JESU, inter amplexus B. MARIÆ Virginis commoranti porrigebat, rogando, ut ab eo reciperet, quod & practicabatur. cum *Inscriptione*:

*Escam das CHRISTO, dilectus ONVFRIVS Infans,  
Convivam Sancti se facit Ipse DEVS.*

sta. Dispensator se perspecta ac cognitiò miraculò, dari solitum jentaculum denegare capit, ONVFRIO S. dicendo: tu dividis panem inter te & IESVM, vade ergo ad Eum, ut tibi refundat, atq; det ad manducandum. Quo audito, statim ONVFRIVS S. abiit ad Infantem Christum in Imagine depictum, exigendo jentaculum ab Eo. Cui Puer IESVS, porrigit notabilis magnitudinis panem, ut eum vix deportaverit ad locum Cænobij. cum *Inscriptione*:

*Non frustra CHRISTO das Sanctus frustra tenellus,  
Panis pro frustis, integer ecce datur.*

In Circulo, supra minorem Chorum varijs sub ornamentis appensæ quinque Imagines spectabantur.

Prima Imago in medio.

S.D.N. BENEDICTI XIV. Pont. Maximi.

Cum *Inscriptione*:

*Nuntiat en Urbi felix omen BENEDICTVS,  
Turribus hic Sanctus prospera quæq; dabit.*

Secunda



Secunda Imago.

SERENISSIMI ac INVICTISSIMI 732  
AUGUSTI III.

Poloniarum Regis, Magni Ducatus Lithuaniae, Russiae,  
Prussiae, Masoviae Samogitiae Livoniae, Kijoviae, Volchoniae,  
Podoliae, Podlachiae Smolensciae, Severiae Czerniechoviae nec  
non Haereditarij DVCIS Saxoniae, Principis ELECTORIS,

à latere dextro *Inscriptio.*

*Principe Persarum Turres has ingrediente,*

*Actus AVGVSTE condecoramen ades.*

Tertia Imago.

SERENISSIMAE ac POTENTISSIMAE  
MARIÆ JOSEPHÆ

Reginae Poloniae &c:

à latere sinistro. *Inscriptio.*

*Ut fluat ad Portas Regis fortuna patentes,*

*REGINÆ Nomen jam mare suppeditat.*

Quarta Imago.

EMINENTISSIMI ac CELSISSIMI PRINCIPIS  
JOANNIS ALEXANDRI

Miseratione Divina S R.E. PRESBYTERI Cardinalis

L I P S K I,

Episcopi Cracoviensis, Ducis Severiae,

Inferius à parte dextra. *Inscriptio.*

*ONVFRIO messis dum crescit Turribus istis,*

*Hanc poscit Sanctus LIPSCIA RASTRA legant.*

Quinta Imago

CELSISSIMI PRINCIPIS

*Illustrissimi & Excellentissimi Domini*

THEODORI LUBOMIRSKI

*Palatini Cracoviensis, Capitanei Scepusiensis.*

à patte sinistra *Inscriptio.*

*Ossa PALATINVS Craci monstrat THEODORVS,*

*Hujus quoddam Sancti Dona DEI maneant.*

E

Altare



Altare S. ONVRII, flectentis coram Imagine Crucifixi  
CHRISTI Domini, erupe genuina, ac naturali efformatum,  
ejusmodi præstabat ornatu. In summitate Tholi miro artifi-  
ciò constructa Regia pendebat Corona, supra quam *Inscriptio*  
*O Beata solitudo! o sola Beatitudo, Cordis solamen.*

*Ita Asceta.*

Infra autem Coronam legebatur *Inscriptio.*

*Conversatio autem nostra in Calis est. Ad Phip: 3. v. 20.*

Divus hic Anachoreta prout semper ardebat igne amoris  
DEI, explicabant id quinque corda igneis radijs circumfusa  
cum erumpentibus sursum è medio flammis: Inter quæ cri-  
stallina specula Angelicam Ejus castitatem designantia pro-  
minebant.

Super Corde in medio pendente, *Inscriptio.*

*Supplementum sensuum defectus:*

Ex una parte Cordis *Inscriptio.*

*Quem Eremita Incolam transmisit Astris Calitum.*

Ex altera parte eiusdem Cordis *Inscriptio.*

*Elevatum est Cor tuum, Cathedra DEI sedet, dedisti cor tuum,  
quasi Cor Domini. Sub Corde, erat Inscriptio.*

*Hæc est Fides nostra, Joan: imo.*

A latere dextro Altaris, erat Cor simile priori, supra quod *In-  
scriptio* Annum Introductionis Sacrarum Reliquiarum, in se  
chronosticè exprimens,

*Pro Corona Corruptibili, quesitæ ILLE Coronam In-  
Corruptibilis regni, & sic, sibi Invenit.*

Sub Corde *inscriptio*, *Reposita mihi est Corona justitiæ. 2da. ad  
Timot: 4to. v. 8vo.*

Inferius sub Corde eodem, *inscriptio* *Corruptibilem Corona-  
nam. 1. Corinth: 9. v. 13. Remitto 1. Machab: 10. v. 29.*

Tertium Cor, exornabat *inscriptio* similiter Chronosticè  
Annum introductionis Reliquiarum exprimens,  
*E reglo sangVine natVs, pVrpVra CVM nVDo Christo esse  
sibi optaVt.*

Sub Corde, *inscriptio. Byssus & Purpura indumentum ejus.  
Prov: 31. v. 22.*

Inferius



Inferius sub Corde eodem *Misit Purpuram Machi: 10. v. 20.*  
A latere sinistro Altaris, Cor 4tum fuerat, supra quod *in-* 734  
*scriptio* Annū Introductionis iterū, in se Chronosticè exprimens.

*Hæc Dicitur iVLt sCEptrVM; ast potlVs sVbesse & non præ-*  
*esse, pro VrlbVs LaboraVlt.*

Sub Corde *inscriptio*. Cum Sceptrū subverterit. Ezech 21. v. 13.  
Inferius sub Corde eodem. *Qui fecit omnia Sceptum hæ-*  
*ditatis ejus. Ierem: 51. v. 19.*

Quantum Cor adinstar aliorum exornabat *inscriptio* Chro-  
nosticè Annum exprimens.

*OnVfrlVs filIVs reglVs regnVM In terrls spernit, Vt re-*  
*gna CaLestia Ibi possldDeret.*

Cor ambiebat abinfra *inscriptio*. In omnia secula Regnum tuū,  
Inferius alia *inscriptio*. Regnum meum non de hoc mundo Joans  
13. v. 36.

In medio Altaris supra Statuam S. ONVFRIJ, legebatur *in-*  
*scriptio*. Ubi enim thesaurus est ibi & Cor erit Luc: 12, v. 36.

à CHRISTO Crucifixo, in rupe consistente, *inscriptio* procedebat:

*Numquid est Cor tuum rectum, sicut cor meum cum corde*  
*tuo. 4ti. Reg: 10. v. 15.*

Ab ore S. ONVFRIJ ad CHRISTVM Crucifixum, proflue-  
bant verba *in inscriptione*.

*Quod autem nunc vivo, in corde vivo Filij DEL. ad Galat*  
*2. v. 20.*

Infra Statuam Divi Anachoretæ, Mensam Altaris tangens,  
Annum Introductionis Chronosticè exprimens, erat *in-*  
*scriptio*, ex una parte Thecæ Sacras Reliquias continentis.

*In EreMo IslVs seCVLI. In qVa aDVersitas lra & trlbu-*  
*Latlo seVlt In nos.*

Ex altera parte ejusdem Thecæ *inscriptio*:

*Trlno Deo DIVE OnVfri VICes Depone pro nobls In hls Ce-*  
*angVstls VersantlVs.*

In medio dictarum Inscriptionum, ex nobilissimo fusa ar-  
gento, pulcherrima inventione tum eleganti artificio com-  
mendatissima, tota aurō fulgens Theca, insignem Particulam  
ex Brachio S. ONVFRII in se claudens, inter ardentes argen-



teis superpositas candelabris, per duos ordines dispositas, Mensam Altaris occupabat candelas.

Incumbente vespere dum solennis Introductio finem suum fortiretur, mox in Turribus Prætoriana, & Excubiarum ad Ecclesiam Archipresbyteralem ad Tubas & Tympana, varij plausus in honorem S. ONVERII succedere: Hymnus de eodem Sancto decantabatur, extra Portas quoq; repetitis vicibus majora sonabant tormenta, aliquot milliaribus à Cracovia audita. Ejusmodi triumphalia acroamata & festivi applausus, in numerosissimo devoti populi confluxu, circiter ad mediam noctem perseverarunt.

Die 12. Junij, ipso Festo S. ONVERII; summo mane, tormenta sonare post Novam Portam, jam vero ante Ecclesiā S. ADALBERTI, tympana lituiq; exierunt. Ipsa devotio horā 4ta. inchoata; à quo tempore, multi Prælati, Canonici Presbyteri variarumq; Religionum Patres ad Altaria cum Sacrificijs confluebant, numerosissimus quoq; Procerum, variorq; status ac conditionis hominum consentium ac ad Sacram Synaxim accedentium spectabatur concursus. Votivum Missæ Sacrificium, ad Altare S. ONVERII celebravit *Perit. Illustris Clarissimus & Admodum Reverendus D. M. MATHIAS FEDEROWICZ, Sacre Theologie Præsentatus, Collega Major Ecclesiarum Collegiate S. FLORIANI Cleparia Custos, Prossowicensis Præpositus.* Circa decimam horā, ore doctissimo concionatus est *Illustris, Clarissimus & Admodum Reverendus D. M. JOSEPHVS POPIOLEK, Philosophiæ Doctor Ejusdemq; Tractnovianus Professor, Collega Major, Ecclesiarum S. FLORIANI Præmicerius S. ANNAE Canonius, Ilcussiensis Præpositus,* super Th: *Homo quidam Nobilis abiit in Regionem longinquam accipere sibi Regnum & reverti, Lucæ 19. Propositione formata. ONVERII S. Deo conjunctus, à mundi vanitate longe remotus, est semper Orbi in cunctis necessitatibus presentissimus.* Post finitam Concionem Summum Sacrum celebravit *Illustrissimus & Reverendissimus D. MICHAEL KVNICKI, Episcopus Arsonensis Suffraganeus Cracoviensis,* duravitq; Devotio circiter ad horam imam, post meridiem.

Ad fi.



Ad finem Vesperarum Concionatus est Admodum Re-  
verendus ac Eximius in Xto Pater ANASTASIVS SALTYSZKIE-  
WICZ, Ord: Canonicoꝝ Regulariũ Beatorũ Martyrũ de Peni-  
tentia Conventus Crac: S. Marci Prepositus super Th: Amicus  
Fidelis Protectio fortis: Eccl: 6. Propositionem statuit. ONV-  
FRIVS S. Regis Persarum Filius, admirandus Ægypti Anacho-  
reta, est probatissimus à corde amicus, negotia hominum apud Re-  
gem secularum, DEVM Omnipotentem, fidelissimè promovens &  
evincens.

Die 13. Iunij, quæ erat Feria 3tia. applaudente pari choro  
ac tormentorum sonitu. manè hora 4ta, cum Expositione San-  
ctissimi inchoata devotio. Votivum Sacrum ad Altare S. ce-  
lebravit Illustris Clarissimus & Adm: Rndus D. M. CASIMI-  
RUS STEPŁOWSKI, Phil: Doctor, Regius Professor, Collega  
Major Ecclesie Collegiate S. ANNÆ Crac: Archidiaconus,  
quo finito Sacram Panegyrim dixit Adm: Rndus & Religiosus  
Pater DAMIANVS MATVSZEWICZ, Ord. Prædicatorum  
S. Theologie Lector, Ecclesie Archipresbyteralis in Circulo Crac:  
Ordinarius Concionator: super Th: Buccinate in Neomenia tu-  
ba, in insigni die solennitatis vestra Psal: 80. Propositione ex cir-  
cumstantia eo die incidentis Novilunij, formatâ, S. ONVFRIVS,  
Regis Persarum Filius, magnus Anachoreta ad solennem  
Sacrarum suarum Reliquiarum Introductionem, Novilunium in  
Horizonte Orbis Poloni, tam in Crescenti quam Decrescenti vi-  
te sue & humane felicitatis Plenilunio causat & conservat. Sũ-  
mmum Missæ celebravit Magnificus, Perillustris Clarissimus &  
Adm: Rndus D. M. CASIMIRVS PALASZOWSKI, S. Th:  
Professor, Collega Major Ecclesiarum Collegatarum S. FLORI-  
ANI Clepardia ad Cracoviam Canonicus, Cureloviensis Deca-  
nus Parochialium S. Stephani Crac: Prepositus, in Czerniechow  
Curatus, Studij Generalis Universitatis Cracoviensis Rector.  
Post Vesperas Concionatus est Adm. Rndus & Religiosus in Xto.  
P. STANISLAVS KIELCZEWSKI, Ord: S. Pauli imi Eremitæ  
S. Theologie Doctor, ad Rupellam Ordinarius Conciona-  
tor, super Th: Reliquie Diem Festum agent Tibi: Psal: 75. Pro-  
positio trium Punctorum. Solennitas Introductionis Reliquia-



rum S. ONVFRIF, Poloniae & ejus Metropoli Cracoviae 1mo. est signum indefinens solatij juxta Hymnum Ecclesiae Sacris solennijs juncta sint gaudia. 2do. est incitamentum ad consecrandam Deo vitam nostram exemplo S. ONVFRIF juxta Scripturam memento ut diem Sanctum sanctifices. 3tio. est certa Prognosis, quod quiescemus non a laboribus, sed a languoribus, & cunctis infortuniis.

Die 14ta. Junij, quæ erat FERIA 4ta. sub iisdem ut supra plausibus, majore populi ad Confessionem Sacramq; Synaxin accedentis, nec non Mystrarum tam Sæcularium quàm Regularium cebrantium accrescente concursu, Missam Votivam ad Altare S. habuit, Perillustis & Adm. Rndus D. M. STANISLAUS WOSINSKI, Phis. Dr. Ecclesiarum, Collegiate Tarnoviensis Canonicus, in Porebka Curatus, Woynicensis Foraneus Decanus. Postea concionabatur Adm Rndus & Religiosus Pater MICHAEL KACZENSKI Ord: S. Francisci Conventualium S. Th. Lector, Concionator Ordinarius Conventus Crac: super Th. Abijt in Regionem longinquam. Lucæ 19. Propositio Ad interesse nostrum. semper Domesticus Patronus S. ONVFRIVS. Summum Sacrum celebravit, Perillustis & Reverendissimus D. M. JOANNES LUKINI, J. U. Doctor & Professor, Ecclesiarum Cathed: Crac. Canonicus, Collegiatarum Visliciensis Primicerius, SS. OO. Crac: Cancellarius, Stawkovienensis Prepositus. Post Vesperas Concionatus est, Adm. Rndus & Religiosus P. STANISLAUS SZCZEPANOWSKI, Ord: S. Francisci Conventualium Pb. Lector. super Th: Coronemus nos rosas. Sapient: 2. v. 8. In humeris portaberis. Ezech: 12. v. 6. Propositione formatâ. Dum intueor mutuo sibi obligata Corda tam Metropoleos Regni erga ONVFRIVM, quam ONVFRIF S. erga hanc Metropolim, dumq; accedo ad Coronas Coronemus nos; advertamus diligenter hanc Coronationem, quidnam subinferat S. ONVFRIVS Regis Persarum Filius? Cracovia, dum me inter Sanctos tuos Tutelares ponis Patronum, ego Te impono Sacro Humero meo. In humeris portaberis.


Die 15ta Junij quæ erat FERIA 5ta. mox post mediam noctem, circa tormentorum explosionem, tubarum, aliorumq; instru-



instrumentorum sonitus, Festivi plausus sonuerunt. Horâ 4ta. 738  
ad ingentem populi, necnon Venerabilis Cleri, cum Missarum  
Sacrificijs confluentis, quem vix capiebat Ecclesia, concursû,  
inchoata devotio. Post horam 8vam Missam Votivam canta-  
vit, *Illustris Clarissimus & Adm. Rdu. D. M. IGNATIVS*  
*HERKA, Phil. Doct: Regius Professor &c.* quâ finita Sacrum  
Oratorem egit, *Clarissimus & Excellentissimus D. M. JOSE-*  
*PHVS DECLOS Phil: Doct: & Professor, Collega Minor,*  
super Th. Dedit eis Lucæ 19. Roboravit brachium suum Prov: 31.  
Propositionem statuit. *Christus Dominus ONUFRIO S. &*  
*se totum & omnia commisit, ut ea omnia omnibus subministraret,*  
*quæ sunt unicuiq; summe necessaria.* Summum Sacrum celebra-  
vit: *Perillustis ac Reverendissimus D. SEBASTIANVS KO-*  
*MECKI Custos Cathedralis Cracoviensis.* A meridie circa ho-  
ram 3tiam tormenta extra mœnia Urbis explosa, tympa-  
na lituiq; dedere signum imminentis Conclusionis. Vesperæ So-  
lennissimo applausu post horam 4tam inchoatæ, quibus finitis  
in Conclusionem Devotionis in laudem Divi Thaumaturgi O-  
NUFRIJ Sacrum Sermonem habuit, *Illustris Clarissimus & Ad-*  
*modum Reverendus D. M. ANTONIVS KRZANOWSKI, Phi-*  
*losophis Doct: ejusdemq; Regius ac Tylicianæ Eloquentiæ Profes-*  
*sor, Collega Major, Ecclesiæ Collegiata S. ANNÆ Cracovia,*  
*Scholasticus.* super Th. Euge serve bone Lucæ 19 Propositione  
formatâ. Sole est clarius, quod ONUFRIVS S. bene Deo servi-  
verit, deservitamq; mercedem pro eo receperit, adhuc tamen à Deo  
debetur aliquid ONUFRIO: ac proinde cum eo sic DEVS con-  
clusit: quod quemcunq; ONUFRIVS ex sacro Brachio suo DEO  
presentaverit, illi in omnibus tam gratiosum sese DEVS præbebit,  
qualem se præbuit, & præbet ipsi Onufrio S. Post finitam sacram  
hanc Apotheosin ante Ecclesiam S. ADALBERTI, in turribus Præ-  
toriana & Excubiarum incessanter clangores tubarum variorumq;  
instrumentorum sonuerunt. Extra Portas quoq; tormenta ex-  
plodebantur. Tandem, *Illustrissimus Suffraganeus Cracoviensis*  
Pontificaliter ornatus, Ambrosianum Canticum: *Te DEVM*  
*Laudamus* intonuit, quo decantatio in numerosissimo popu-  
li confluxu, ad reboantia tormenta, tubarumq; sonitus



739 continuos, subsecuta Conservatio SANCTISSIMI. Et quamvis  
*Illustrissimus* Episcopus benedictione Pastoralis jam Devotio-  
nem terminaverit, numerosissimus tamen populus, agmine den-  
so ad mediam noctem devotionis gratiâ, ad Ecclesiam con-  
fluebat, quem accinens immensus Artistarum Musices cho-  
rus alliciendo, invitabat Ecclesia tota in medijs arfisse vide-  
batur luminaribus. In Octava Die prædictæ Solennitatis cir-  
ca horam romam, fuit solennis Missa Votiva de *SSma Trini-*  
*tate*, in Gratiarum actionem DEO in Sanctis suis mirabili,  
pro feliciter absoluta Introductione, quam celebravit, *Illustris*  
*Clarissimus & Admodum Reverendus D. M. IOSEPH VS*  
*POPIOLEK, Philosophie Doctor, Traatnovianus Professor Col-*  
*lega Major &c.* in numerosissima Procerum Regni, ac devo-  
ti populi frequentia, a quo non tantum tempore Solennis In-  
troductionis, ast in hunc etiam diem, hic Sanctus Anacho-  
reta summa cum veneratione colitur. Quod totum cedat ad  
Laudem & Gloriam DEITER OPTIMI MAXIMI, Admi-  
randi in vita Anachoretæ DIVINISSIMI ONVERIJ,  
ad cultus incrementum.



G.

*Trin.*



Biblioteka Jagiellońska



stdr0023087



